

后詩所前集


二十七之八

十八

五言律詩

漢書門類			
一	一	四	三
八	〇	〇	號
三	四	架	函
二	〇	冊	架

內閣文庫			
三	二	八	漢
九	〇	〇	書
函	架	冊	架
一	三	二	架
六	〇	〇	架



內閣文庫	
番號	漢 11843
冊數	32 (18)
函號	319 124




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





送晁補闕歸日本國

送趙驛

西掖承休澣東隅返故林來稱剡子學歸是越人吟馬
上秋郊遠舟中曙海陰知君懷魏闕萬里獨搖心

送四鎮薛侍御東歸

岑參

相送淚沾衣天涯獨未歸將軍初得罪門客復何依
去湖山闊書停隴鴈稀園林幸接近一為到柴扉

送太子賓客賀知章歸四明

序曰天寶三年知章

之疏解組辭榮志期入道朕以其年任在遲暮用
循挂冠之事俾遂赤松之遊正月五日將歸會
稽遂餞東路乃命六卿庶尹大夫供帳青門寵
行邁也豈惟崇德尚齒亦勵俗勸人無令二疏
獨光漢冊乃賦詩贈行

玄宗

遺榮期入道辭老竟抽簪豈不惜賢達其如高尚心寰
中得秘要方外散幽襟獨有青門餞群僚悵別深

奉和

李林甫

挂冠知止足豈獨漢疏賢入道求真侶辭恩訪列仙睿
文舍日月宸翰動雲煙鶴駕吳鄉遠遥遥南斗邊

餞陳學士還江南

同用徵字

張九齡

荷篠旋江澳銜杯餞霸陵別前林鳥息歸處海煙凝風
土鄉情接雲山客念憑聖朝巖穴選應待鶴書徵

送岐州源長史歸

同在崔常侍幕中時常侍已歿

王維

握手一相送心悲安可論秋風正蕭索客散孟嘗門故

驛通槐里長亭下櫓原征西舊旌節從此向河源

送錢少府還藍田

草色日向好桃源人去稀手持平子賦目送老萊衣每
候山櫻發時同海燕歸今年寒食酒應是一作返柴扉

送劉郎將歸河東

同用邊字參曾北庭事趙中丞故未及之

岑參

借問虎賁將從軍凡幾年殺人寶刀缺走馬貂裘穿山
雨醒別酒關雲迎渡船謝君賢主將豈忘輪臺邊

送張都尉東歸

白羽綠弓弦年年只在邊還家劍鋒盡出塞馬蹄穿逐

虜西踰海平胡北到天封侯應不遠燕領豈徒然

送梁判官歸女几舊廬

女几知君憶春雲相逐歸草堂開藥裏苔壁取荷衣老
竹移時小新花舊處飛可憐真傲吏塵事到山稀

送周子落第遊荆南

足下復不第家貧尋故人且傾湘南酒羞對關西塵山
唐橘花發江城楓葉新若從巫峽過應見楚王神

送丘為落第歸江東

王維

憐君不得意况復柳條春為客黃金盡還家白髮新五
湖三畝宅萬里一歸人知爾一作不能薦羞稱獻納臣

送孟孺卿落第歸濟陽

岑參

獻賦頭欲白還家衣已穿羞過灞陵樹歸種汶陽田客
舍少鄉信牀頭無酒錢聖朝徒側席濟上獨遺賢

送張翬下第歸江東

蕭穎士

俱飛仍失路綵服邇清波地積東南美朝遺甲乙科客
愁千里別春色五湖多明日舊山去其如相望何

送胡象落第歸王屋別業

岑參

看君尚少年不第莫悽然可即疲獻賦山村歸種田野
花迎短褐河柳拂長鞭置酒聊相送青門一醉眠

送杜佐下第歸陸渾別業

正月今一作初欲半陸渾花未開出關見青草春色正東

來夫子且歸去明時方愛才還須及秋賦莫即隱蒿萊

送章彝下第

綦母潛

長安渭一作灞橋路行客別時心獻賦溫泉畢無媒魏闕

深黃鶯啼就馬白日暗歸林三十名未立君還惜寸陰

送費六還蜀

駱賓王

星樓望蜀道月峽指吳門萬行流別淚九折切驚魂雪

影含花落雲陰帶葉昏還愁三徑晚獨對一清尊

送嚴秀才還蜀

王維

寧親為令子似舅即賢甥別路經花縣還鄉入錦城山

臨青塞斷江向白雲平獻賦何時至明君憶長卿

送顧朝陽還吳

李頎

寂寞俱不偶裏糧空入秦宦途已可識歸臥包山春舊

國指飛鳥滄波愁旅人開樽洛水上怨別柳花新

送陳七還廣陵

萬齊融

風流誰代子雖有舊無雙歡酒言相送愁弦意不降落

花馥河道垂楊拂水牕海潮與春夢朝夕廣陵江

送儲十二還莊城

綦母潛

西坂何繚繞青林問子家天寒噪野雀日晚度城鴉寂

歷道傍樹矐矐原上霞茲情不可說長恨隱淪賒

送張五諲歸宣城

王維

五湖千萬里况復五湖西漁浦南陵郭人家春穀谿欲
歸江淼淼未到草萋萋憶想蘭陵鎮可宜猿更一作啼

送孟六歸襄陽

一作張子容

杜門不復一作欲出久與世情疎以此為長策勸君歸舊
廬醉歌田舍酒笑讀古人書好是一生事無勞獻子虛

送孟浩然歸襄陽

張子容

東越相逢地西亭送別津風濤一作潮看解纜雲一作雪海

去愁人鄉在桃林岸山一作江連楓樹春因懷故園意歸

與孟家鄰

送梁四歸東平

李白

玉壺挈美酒送別強為歡大火南星月長郊北路難殷
王期負鼎汶水起垂竿莫學東山臥參差老謝安

送竇九歸成都

杜甫

文章亦不盡竇子才縱橫非爾更苦一作持節何人符大
名讀書雲閣觀問絹錦官城我有浣花竹題詩須一行

送人歸河南

李頎

梅花今正發失路復何如舊國雲山在新年風景餘春
饒漢陽夢日寄武陵書可即明時老臨川莫羨魚

送人歸江寧

岑參

楚客憶鄉信向家湖水長往愁春草綠去喜桂枝香海
月迎歸楚江雲引到鄉吾兄應借問為報鬢毛霜

送客歸吳

李白

江村秋雨歇酒盡一帆飛路歷波濤去家唯坐臥歸島
花開灼灼汀柳細依依別後無餘事還應掃釣磯

早春潤州送從弟還鄉

孟浩然

兄弟遊吳國庭闈戀楚關已多新歲感更餞白眉還歸
泛西江水離筵北固山鄉園欲有贈梅柳着先攀

秋夜送閻五還潤州

序曰閻五官言返維桑修途指金陵之地李六郎交深投

漆開筵浮白玉之尊于時壁彩澄虛漏輕光於雲葉珪陰散迥搖碎影於風梧雖桂醕蘭缸暫

淹留於一夕而青山黃鶴將惆悵於九秋請勸四言俱伸五際

駱賓王

通莊抵舊里溝水泣新知斷雲飄易滯連露積難披素
風啼一作迴堞驚月繞疎枝無力勵短翰輕舉送長離

洛中送奚三還揚州

孟浩然

水國無邊際舟行共使風羨君從此去朝夕見鄉中予
亦離家久南行恨不同音書若有問江上會相通

洛中送人還江東

儲光羲

洛城春雨霽相送下江鄉樹綠天津道山明伊水陽孤
舟從此去客思一何長直望清波裏唯餘落日光

澹水東店送唐子歸嵩陽

岑參

野店臨官路重城壓御隄山開灞水北雨過杜陵西歸
夢秋能作鄉書醉嬾題橋回忽不見征馬尚聞嘶

送鄭堪歸東京汜水別業

得閒字

客舍見春草忽聞思舊山看君灞陵去匹馬成臯還對
酒風與雪向家河復關因悲宦遊子終歲無時閒

送陳子歸陸渾別業

雖不舊相識知君丞相家故園伊川上夜夢方山花種
藥畏春過出關愁路賒青門酒壚別日暮東城鴉

閩鄉送上官秀才歸關西別業

何終日獨波波親老無官養家貧在外

爾一作

多醉眠輕白髮春夢渡黃河相去關城山一作近何時更

肯過

送惠二歸故居

杜甫

惠子白駒瘦歸谿惟病身皇天無老眼空谷滯斯人崖
蜜松花熟山杯竹葉新一作柴門了生事黃綺未稱臣

送楊處士反初卜居曲江

楊炯

鴈門歸去遠垂老脫袈裟蕭寺休為客一作曹谿便寄
家綠琪千歲樹黃樅四時花別怨應無限門前桂水斜

錢駱四二首

李嶠

律詩 五言 卷二十七 五十九

平生何以樂斗酒夜相逢曲中驚別緒醉裏失愁容星
月懸秋漢風霜入曙鐘明日臨溝水青山幾萬重
甲第驅車入良宵秉燭遊人追竹林會酒獻菊花秋霜
吹飄無已星河漫不流重嗟歡賞地翻召別離憂

送宋五之問

得涼字

駱賓王

願言遊泗水支離去二漳道術君所篤筌蹄余自忘霜
威侵竹冷秋爽帶池涼欲驗離襟切岐路在他鄉

送杜審言

宋之問

臥病人事絕聞一作君萬里行河橋不相送江樹遠含
情別路追孫楚維舟弔屈平可惜龍泉劍流落在豐城

送李邕

李嶠

落日荒郊外風景正淒淒離人席上起征馬路傍嘶別
酒傾壺贈行書掩淚題殷勤御溝水從此各東西

送王光庭

張說

同居洛陽陌經日嬾相求及爾江湖去念一作別悵悠
悠楚雲眇羈翼海月倦行舟愛而不可見徒嗟芳歲流

送崔興宗

王維

已恨親皆遠誰憐友復稀君王未西顧遊宦盡東歸塞
迴山河淨天長雲樹微方同菊花節相待洛陽扉

送孫二

郊外誰相送夫君道術親書生鄒魯客才子洛陽人祖
席依寒草行車起暮塵山川何寂寞長望淚沾巾

送崔暹

孟浩然

片玉來誇楚治中作主人江山增潤色詞賦動陽春別
館當虛敞離情任吐伸因聲兩京舊誰念臥漳濱

送席大

惜爾懷其寶迷邦倦客遊江山歷全楚河洛越成周道
路疲千里鄉園老一丘知君命不偶同病亦同憂

送魏八

高適

更沽淇上酒還泛驛前舟爲惜故人去復憐嘶馬愁雲

山行處合風雨興中秋此路無知己明珠莫暗投

送顏韶

得飛字

岑參

遷客猶未老聖朝今復歸一從襄陽住幾度梨花飛世
事了可見憐君人亦稀相逢貪醉臥未得作春衣

送楊子

斗酒渭城邊壚頭耐醉眠梨花千樹雪楊葉萬條煙惜
別添一作傾壺酒臨岐一作分贈馬鞭看君頰上去新月到

家圓

送侯十一

李白

朱亥已擊晉侯嬴尚隱身時無魏公子豈貴抱關人余

律言 卷二十一
亦不火食遊梁同在陳空餘湛盧劍贈爾托交親

送殷淑 二首

海水不可解連江夜爲潮俄然浦嶼闊岸去酒船遙惜
別耐取醉鳴榔且長謠天明爾當去應便有風飄
白露洲前月天明送客迴青龍山後日早出海雲來流
水無情去征帆逐吹開相看不忍別更進手中杯

送孫秀才 一作王維

王維

帝城風日好况復建平家玉枕雙紋篔簹金盤五色瓜山
中無魯酒松下飯胡麻莫厭田家苦歸期遠復賒

送宋秀才

綦母潛

冠古稱榮盛當時數戟門舊交丞相子繼世五侯孫長
劍倚天外短書盈萬言秋風一送別江上黯消魂

送盧逸人

李頎

洛陽爲此別攜手更何時不復人間見祇應海上期清
谿入雲木白首臥茅茨共惜盧敖去天邊望所思

送李員外賢郎

王維

少年何處去負米上銅梁借問阿戎父知爲童子耶魚
牋請詩賦檀布作衣裳蕙苾扶衰病歸來幸可將

送賀遂負外甥

南國有歸舟荆門泝上流蒼茫葭菼外雲水與昭丘檣

帶城烏去江連暮雨愁猿聲不可聽莫待楚山秋

送客

陳子昂

故人洞庭去楊柳春風生相送河洲晚蒼茫別思盈白
蘋已堪把綠芷復含榮江南多桂樹歸客贈生平

送友人

李白

青山橫北郭白水遶東城此地一為別孤蓬萬里征浮
雲遊子意落日故人情揮手自茲去蕭蕭斑馬鳴

送遠

杜甫

帶甲滿天地胡為君遠行親朋盡一哭鞍馬去孤一作
城草木歲月晚關河霜雪清別離已昨一作日因見古

人情

春晦餞陶七於江南

同用風字序曰蜀江分袂巴
山望別南津坐恨歎仙帆之
方遙北渚長懷見離亭之欲晚白雲去矣
黃鶴何之楊柳青而三春暮我之
懷矣能無贈乎同賦一言俱題四
韻

陳子昂

黃鶴煙雲

一作霞

去青江琴酒同離帆方楚越溝水復西

東芙蓉生夏浦楊柳送春風明日相思處應對菊花叢

秋日送侯四

得彈字

駱賓王

我留安豹隱君去學鵬搏岐路分襟易風雲促膝難夕
漲流波急秋山落日寒惟有思歸引悽斷為君彈

在兗州餞宋五之問

淮沂泗水北梁甫汶陽東別路青驪遠離樽綠蟻空柳
寒凋密翠棠晚落疎紅別後相思曲悽斷入琴風

河西送李十七

高適

邊城多遠別此去莫徒然問禮知才子登科及少年出
門看落日驅馬向秋天高價人爭重行當早着鞭

灋頭送蔣侯

岑參

君住灋水北我家灋水西兩村辨喬木五里聞鳴鷄飲
酒溪雨過彈棊山月低徒開蔣生徑爾去誰相攜

奉濟驛送嚴公

杜甫

遠送從此別青山空復情幾時杯重把昨夜月同行列

郡謳歌惜三朝出入榮江村獨歸處寂寞養殘生

南樓送衛憑

得歸字

岑參

近縣多過一作來客似君誠亦稀南樓取涼好便送故人
歸鳥向望中滅雨侵晴處飛應須乘月去且爲解征衣

隨章留後新亭會送諸君

杜甫

新亭有高會行子得良時日動映江幕風鳴排檻旗絕
葦終不改勸酒欲無詞已墮峴山淚因題零雨詩

李舍人山園送龐邵

沈佺期

符傳有光輝誼誼出帝畿東鄰借山水南陌駐驂駢握
手涼風至當歌秋日微高檐去勿緩人吏待霜威

泛江送客

杜甫

二月頻送客東津江欲平煙花山際重舟楫浪前輕淚
逐勸杯落愁連吹笛生離筵不隔日那得易為情

南陽送客

李白

斗酒勿為薄寸心貴不忘坐惜故人去偏令遊子傷離
顏怨芳草春思結垂楊揮手再三別臨岐空斷腸

送李別將攝伊吾令充使赴武威便寄崔員外

岑參

詞賦滿書囊胡為在戰場行間脫寶劍邑里挂銅章馬
疾飛千里鳧飛向五涼遙知竹林下星使對星郎

泛江送魏十八倉曹還京因寄岑中允參范郎中

季明

杜甫

遲日深江水輕舟送別筵帝鄉愁緒外春色淚痕邊見
酒須相憶將詩莫浪傳若逢岑與范為報各衰年
春晚送瑕丘田少府還任因寄洛中鏡上人

蘇頲

聞道還沂上因聲寄洛濱別時花欲盡歸處酒應春聚
散同行客悲歡屬故人少年追樂地遙贈一霑巾

送賈恒明府兼寄溫張二司戶

綦毋潛

越客新安別秦人舊國情舟乘晚風便月帶上潮平花

路西施石雲峰句踐滅明州報兩掾相憶二毛生

送江陵臬少府赴任便呈衛荊州 岑參

神仙吏姓梅人吏待君來渭北草新出江南花已開城
邊宋玉宅峽口楚王臺不畏無知己荊州甚愛才

送張參軍赴蜀川因呈楊侍御 杜甫

好去張公子通家別恨添兩行秦樹直萬點蜀山尖御
史新驄馬參軍舊紫髯皇華吾善處於汝定無嫌

送緜州李司馬歸京因呈李兵部 岑參

客厭江月罷官思早歸眼看春光老羞見梨花飛劍
北山居小巴南音信稀因君報兵部愁淚日沾衣

送郭司馬赴伊吾郡請示李明府

安西美少年脫劍卸弓弦不倚將軍勢皆稱司馬賢秋
山城北面古治郡東邊池一作江上舟中月遙思李郭仙

送崔員外入秦因訪故園

欲謁明光殿先一作應趨建禮門仙郎去得意亞相正承
恩竹裏巴山道花間漢水源憑將兩行淚為訪邵平園

送別 李百藥

眷言一杯酒悽愴起離憂夜花飄露氣暗水急還流鴈
行遙上月蟲聲迴映秋明日河梁上誰與論仙舟

送別 李嶠

岐路方爲客芳樽暫解顏人隨轉蓬去春伴落梅還白
雲渡汾水黃河繞晉關離心不可問宿昔鬢成斑

送別

得書字

李白

水色南天遠舟行若在虛遷人發佳興吾子訪閒居日

落看飛

一作歸

鳥潭澄憐

一作羨

躍魚聖朝思賈誼應降紫

泥書

秋日送別

駱賓王

寂寞心事晚搖落歲時秋共此傷年髮相看惜去留當
歌應破涕哀命返窮愁別後能相憶東陵有故侯

渡荆門送別

李白

渡遠荆門外來從楚國遊山隨平野盡江入大荒流月

下飛天鏡雲生結海樓仍憐故鄉水萬里送行舟

通化門外送別

張九齡

屢別容華改長愁意緒微義將私愛隔情與故人歸薄
宦無時賞勞生有事機離魂今夕夢先繞舊林飛

洛陽東門送別

儲光羲

東城別故人臘月遲芳辰不惜孤舟去其如兩地春花
明洛陽苑水綠小平津是日不相見鶯聲徒自新

洛橋送別

河橋送客舟河水正安流遠見輕橈動遙憐故國遊海

禽逢早鴈江月值新秋一聽南津曲分明散別愁

羈遊餞別

王勃

客心懸隴路遊子倦一作卷江干槿豐一作農朝砌靜篠密

夜牕寒琴聲銷別恨風景駐離歡寧竟山川遠悠悠旅

思難

漢江宴別

宋之問

漢廣不分天舟移杳若仙秋一作林虹映晚日江鶴弄晴

烟積水浮冠蓋遙風逐管絃嬉遊不可極留恨此山川

岳陽樓宴別王貞外貶長沙一作南州有贈賈至

極浦三春草高樓萬里心楚山晴靄碧湘水暮流深忽

與朝中舊同為澤畔吟停杯試北望還欲淚沾巾

宴郭校書因之有別

高適

綵服趨庭訓分交載酒過芸香名早著蓬轉事仍多苦

戰一作戰苦知機息窮愁柰別何雲霄莫相待年鬢已蹉跎

岳州宴別潭州王熊二首

張說

絲管清且哀一曲傾一杯氣將然諾重心向友朋開古

木無生意寒雲若死灰贈君芳杜草為植建章臺

縉雲連省閣溝水遽西東然諾心猶在榮華歲不同孤

城臨楚塞遠樹入秦宮誰念三千里江潭一老翁

巫山縣汾州唐使君十八弟宴別兼諸公攜酒樂

相送率題小詩留于屋壁

杜甫

臥病巴東久今年強作歸故人猶遠謫茲日倍多違接
宴身兼杖聽歌淚滿衣諸公不相棄擁別借光輝

岳州別趙國公王十一琚入朝

張說

昔濫貂蟬長同承雨露霏今叅魚鱉守望美洞庭歸浦
樹懸秋影江雲燒落一作輝離魂似征帆一作旆怕往

帝鄉飛

奉別張燕公

王琚

五載朝天子三湘逢舊僚扁舟方輟棹清論遂終朝遠
樹烟間沒長江地際遙帝城馳夢想歸帆滿風颿

端州別袁侍郎

宋之問

合浦塗未極端谿行暫臨淚來空泣臉愁至不知心客
醉山月靜猿啼江樹深明朝共分手之子愛千金

別宋常侍

遊人杜陵北送客漢川東無論去與住俱一作是一飄

蓬秋鬢含霜白衰顏倚酒紅別有相思處啼鳥雜夜風

郡江南上別孫侍御

張九齡

雲嶂天涯盡川途海縣窮何言此地僻忽與故人同身
負邦君弩情紆御史驄王程不我駐離思逐秋風

長沙別李六侍御

賈至

月明湘水白霜落洞庭乾放逐長沙外相逢路正難雲
歸帝鄉遠鴈報朔方寒此別盈襟淚雍門不假彈

別劉大校書

高適

昔日京華去知君才望新應猶作賦好莫歎在官貧且
復傷遠別不然愁此身清風一作青風幾萬里江上一歸人

落第西還別劉祭酒高明府

陳子昂

別館分周國歸驂入漢京地連函谷塞川接廣陽城望
迴樓臺出途遙煙霧生莫言長落羽貧賤一交情

秋日別王長史

王勃

別路長餘作千里深恩重百年正悲西候日更動北梁

篇野色籠寒霧山光斂暮煙終知難再奉懷德自潛然

渡吳江別王長史

宋之問

倚棹望茲川銷魂獨黯然鄉連江北樹雲斷日南天劍
別龍初沒書成鴈不傳離舟意無限催渡復催年

別韋兵曹

高適

離別長千里相逢數十年此心應不變他事已徒然惆
悵春光裏蹉跎柳色前逢時當自取看爾欲先鞭

奉別張岳州說

二首

王熊

長沙辭舊國洞庭逢故人薰蘭敦久要披霧轉相親歲
月空嗟老江山不惜春忽聞黃鶴曲更作白頭新

平生共風月倏忽間山川不期交淡水暫得欸忘年興
逸方罷釣帆開欲解船離心若危旆朝夕爲君懸

別竇使君

杜甫

向晚波微綠連空岸脚青日兼春有暮愁與醉無醒漂
泊猶盃酒踟躕此驛亭相看萬里別同是一浮萍

別張少府

高適

歸客留不住朝雲縱復橫馬頭向春草斗柄臨高城嗟
我久離別羨君看弟兄歸心更難道回首一傷情

別崔少府

知君少得意汶上掩柴扉寒食仍留火春風未授衣皆

言黃綬屈早向青雲飛借問他鄉事今年歸不歸

相州前池別許鄭二判官

張說

數步圓塘水雙鴻戢羽儀一飛喬木上一返故林垂淡
泊含秋景虛明抱夜規無因留絕翰雲海意差池

祁四再赴江南別詩

岑參

萬里來又去三湘東復西別多人換鬢行遠馬穿蹄山
驛秋雲冷江帆暮雨低憐君不解說相憶在書題

別儲邕之剡中

李白

借問剡中道東南指越鄉舟從廣陵去水入會稽長竹
色谿下綠荷花鏡裏香辭君向天姥拂石臥秋霜

南中別蔣五岑向青州

張說

老親依北海賤子棄南荒有淚皆成血無聲不斷腸此
中逢故友彼地送還鄉願作楓林一作江楓葉隨君度洛陽

岳州別姚司馬紹之制許歸侍

和玉悲無已長沙宦不成天從扇枕願人遂倚門情方
外懷司馬江東憶步兵問君栖泊處空嶺夜猿驚

落第西還別魏四慄

陳子昂

轉蓬方不定落羽自驚絃山水一為別歡娛復幾年離
亭暗風雨征路入雲煙還因北山逕歸守東陂田

別薛華

王勃

送送多窮路遑遑獨問津悲涼千里道悽斷百年身心
事同漂泊生涯共苦辛無論去與住俱是夢中人

重別薛華

明月沈珠浦秋風濯錦川樓臺臨絕岸洲渚亘長天旅
泊成千里棲遑共百年窮途惟有淚還望獨潸然

別李嶠

得勝字

駱賓王

芳樽徒自滿別恨轉難勝客似遊江岸人疑上灞陵寒
更承夜永涼景向秋澄離心何以贈自有玉壺冰

別韋五

高適

徒然酌杯酒不覺散人愁相識仍遠別欲歸翻旅遊夏

雲滿郊甸明月照河洲莫恨征途遠東看漳水流

別孫訢

離人去復留白馬黑貂裘屈指論前事停鞭惜舊遊帝鄉那可忘旅館日堪愁誰念無知已年年睢水流

別王八

征馬嘶長路離人挹佩刀客來東道遠歸去北風高時候何蕭索鄉心更一作鬱陶傳君遇知已行日有綈袍

別常徵君

杜甫

兒扶猶杖策臥病一秋強白髮少新洗寒衣寬總長故人憂見及此別淚相忘各逐萍流轉來書細作行

別從甥萬盈

高適

諸生曰萬盈四十乃知名宅相予偏重家丘人莫輕美才應自料苦節豈無成莫以山田薄今春又不耕

別睢陽故人

張謂

少小客遊梁依然似故鄉城池經戰陣人物恨存亡夏雨桑條綠秋風麥穗黃有書無寄處相送一沾裳

春夜別友人

二首

陳子昂

銀燭吐青煙金樽對綺筵離堂思琴瑟別路遶山川明月隱一作影高樹長河沒曉天悠悠洛陽道一作去此會在

何年

紫塞白雲斷青春明月初對此芳樽夜離憂悵有餘清
冷花露滿滴瀝簷宇虛懷君欲何贈願上大臣書

京還別新豐友

孟浩然

吾道昧所適驅車還向東主人開舊館留客醉新豐樹
繞溫泉綠塵遮晚日紅拂衣從此去高步躡華嵩

初出濟州別城中故人

王維

微官易得罪謫去濟川陰執政方持法明君無一作此
心間閭河潤上井邑海雲深縱有歸來日各一作愁年

鬢侵

遂州南江別鄉曲故人

陳子昂

楚江復為客征棹方悠悠故人憫追送置酒此南洲平
生亦何恨夙昔在林丘違此鄉山別長謠去國愁

幽州別陰長河行先

張說

惠好交情重辛勤世事多荆南久為別薊北遠來過寄
目雲中鳥留歡酒上歌影移聲復間遲暮兩如何

端州別高六戩

異壤同羈竄途中喜共過愁來時舉酒勞罷或長歌南
海風潮壯西江瘴癘多於焉復分手此別傷如何

廣陵別鄭處士

高適

落日知分手春風莫斷腸興來無不愜才在亦何傷谿

水堪垂釣江田耐插秧人生只爲此亦足傲羲皇

廣陵別薛八

一題作送友東歸

孟浩然

士有不得志栖栖吳楚間廣陵相遇罷彭蠡泛舟還檣

出江中樹波連海上山風帆明日遠何處更追攀

京口別王四誼

儲光羲

江上楓林秋江中秋水流清晨惜分袂秋日尚同舟落

潮洗魚浦傾荷枕驛樓明年菊花熟東洛汎觴遊

永嘉別張子容

孟浩然

舊國余歸楚新年子北征挂帆愁海路分手戀朋情日

夕故園意汀洲春草生何時一杯酒重與季鷹傾

江夏別宋之悌

李白

楚水清若空遙將碧海通人分千里外興在一杯中谷

鳥吟晴日江猿嘯晚風平生不下淚於此泣無窮

南中別陳七李十

張說

二年共遊處一旦各西東請君聊駐馬看我轉征蓬畫

鷁愁南海離駒思北風何時似一作春鴈雙入上林中

南中別王陵成崇

握手與君別岐路贈一言曹卿禮公子楚媪饋王孫倏

爾生六翩翩飛戾九門常懷客鳥意會答主人恩

桂州與陳羽念別

楊衡

慘戚損志抱因君時解顏重歎念今夕復在幾夕間碧
桂水連海蒼梧雲滿山茫茫從此去何路入秦關

岳州別子均

張說

離筵非讌喜別酒正銷魂念汝猶童孺嗟予隔遠藩津
亭拔心草江路斷腸猿他日將何見愁來獨倚門

南陵五松山別荀七

李白

軒昂潁水荀何慚許郡賓相逢太史奏應是聚賢人玉
隱且在石蘭枯還見春俄成萬里別立德貴清真

稠桑驛喜逢嚴河南中丞便別

得時字岑參

駟馬映花枝人人夾路窺離心且莫問春草自應知不

謂青雲客猶思紫禁時別君能幾日看取鬢成絲

魏十四侍御就敝廬相別

杜甫


有客騎驄馬江邊問草堂遠尋留藥價惜別到文場入
幕旌旗動歸軒錦繡香時應念衰疾書跡一作疏及滄浪

船下夔州郭宿雨濕不得上岸別王十二判官

依沙宿舸船石瀨月娟娟風起春燈亂江鳴夜雨懸晨
鍾雲外濕勝地石堂煙柔櫓輕鷗外含悽一作情覺汝賢

別崔湜因寄薛據孟雲卿

志士惜妄動知深難固辭如何久磨礪但取不磷緇夙
夜聽憂主飛騰急濟時荆州遇薛孟為報欲論詩



贈韋贊善別

扶病送君發自憐猶不歸祗應盡客淚復作掩荆扉江漢故人少音書從此稀往還二十載歲晚寸心違

巫峽敝廬贈侍御四舅別之澧朗

江城秋日月一作落山鬼閉門中行李淹吾舅誅茅問老翁赤眉猶世亂青眼只途窮傳語桃源客今出處同

贈別鄭判官

李白

竄逐勿復哀慙君問寒灰浮雲本無意吹落章華臺遠別淚空盡長愁心已摧三年吟澤畔顛顛幾時迴

贈別鄭鍊赴襄陽

杜甫

戎馬交馳際柴門老病身把君詩過目一作念此別驚

神地闊峨眉晚一作天高峴首春為於耆舊內試覓姓

龐人

贈別何邕

生死論交地何由一見人悲君隨燕雀薄宦走風塵綿谷元通漢沱江不向秦五陵花滿眼傳語故鄉春

贈別褚山人

高適

攜手贈將行山人道姓名光陰薊子訓才術褚先生墻上梨花白樽中桂酒清洛陽無二價猶是慕風聲

還京贈別

盧照隣

風月清江夜山水白雲朝萬里同為客三秋契不凋戲
鳧分斷岸歸騎別高標一去仙橋道還望錦城遥

廣陵贈別

李白

玉一作金瓶沽美酒數里送君還繫馬垂楊下銜杯大道
間天邊看淶水海上見青山興罷各分袂何須醉別顏

江上贈別

萬齊融

東南飛鳥處言是故鄉天江上風花晚君行定幾千計
程頻破月數別屢開年明歲潯陽水相思寄采蓮

潭州留別杜員外院長

韋迢

江畔長沙驛相逢纜客船大名詩獨步小郡海西偏地

濕愁飛鵬天炎畏踏鷺去留俱失意把臂共潸然

京口留別徐大補闕趙二零陵

儲光羲

皇州月初曉處處鼓鐘喧樹出蓬萊殿城開闔闔門近
臣朝瑣闥詞客向文園獨有三川一作洲路空傷遊子魂

留別賈嚴二閣老兩院補闕

得聞字杜甫

田園須暫住一作往戎馬惜離群去遠留詩別愁多任酒

醺一秋常苦雨今日始無雲山路晴一作時吹角那堪處

處聞

夕次襄邑留別省中故人

劉復

何處成吾道經年遠路中客心猶向北河水自歸東古

戍鳴寒角疎林振夕風輕舟難載月那與故人同

留別王侍御維

孟浩然

寂寂竟何待朝朝空自歸欲尋芳草去惜與故人違當
路誰相假知音世所稀祗應守索寞還掩故園扉

留別張御史張判官

張說

旅竄南方遠傳聞北使來舊庭知玉樹合浦識珠胎白
髮因愁改丹誠託夢迴皇恩若再造為憶不然灰

留別安慶李太守

儲光義

明牧念行子又言悲解攜初筵方落日醉止到鳴雞過
客來自北大軍居在西兵家如討逆敢以度盤谿

遊江西留別富陽裴劉二少府

孟浩然

西上遊

一作浙

江西臨流恨

一作溫

解攜千山疊成嶂萬水

瀉

一作壑

為谿石淺流難泝

一作注

藤長險易躋誰憐問津

者

一作客

歲晏此中迷

留別之望舍弟

宋之問

同氣有三人分飛在此晨西馳巴嶺徼東去洛

一作汶陽

濱強飲離前酒終傷別後神誰憐散花萼獨赴日南春

留別錢起

王維

卑棲却得性每與白雲歸狗祿仍懷橘看山免採薇暮
禽先去馬新月待開扉霄漢時回首知音青瑣闈

留別王維

丘為

歸鞍白雲外，繚繞出前山。今日又明日，自知心不閒。親
勞簪組送，欲趁鶯花還。一步一回首，遲遲向近關。

留別龔處士

李白

龔子棲閒地，都無人世喧。柳深陶令宅，竹暗辟疆園。我
去黃牛峽，遙愁白帝猿。贈君卷菴草，心斷竟何言。

長樂驛留別盧象裴總

祖詠

朝來已握手，宿別更傷心。灞水行人渡，商山驛路深。故
情君且足，謫宦我難任。直道皆如此，誰能淚滿襟。

臨洮客舍留別祁四

岑參

無事向邊外，至今仍不歸。三年絕鄉信，六月未春衣。客
舍洮水聒，孤城胡鴈飛。心知別君後，開口笑應稀。

還高冠潭口留別舍弟

昨日山有信，祗今耕種時。遙傳杜陵叟，怪我還山遲。獨
向潭上釣，無人林下碁。東谿憶汝處，閒臥對鸕鷀。

暮秋將歸秦留別湖南幕府親友

杜甫

水闊蒼梧野，天高白帝秋。途窮那免哭，身老不禁愁。大
府才能會諸公，德業優北歸。衝雨雪誰憫，敝貂裘

發臨洮將赴北庭留別

岑參

聞說輪臺路，連年見雪飛。春風曾不到，漢使亦應稀。白

律言
卷二十一
八十一
草通踈勒青山過武威勤王敢道遠私向夢中歸

潭州留別

常建

賢達不相識偶然交已深宿帆謁郡佐悵別依禪林湘
水流入海楚雲千里心望君杉松夜山月清猿吟

留別杜審言并呈洛中舊遊

崔融

斑鬢今為別紅顏一作塵昨共遊年年春不待處處酒相
留駐馬西橋上回車南陌頭故人從此隔風月坐悠悠

奉和別越王

李敬玄

飛蓋廻蘭坂宸襟佇栢梁別館分涇渭歸路指衡漳關
山通曙色林籟徧春光帝念紆千里詞波照五潢

前題

張大安

盛藩資右戚連萼重皇情離襟愴睢苑分途指鄴城麗
日開芳甸佳氣積神京何時驂駕入還見謁承明

前題

劉禕之

周屏辭金殿梁驂整玉珂管聲依折柳琴韻動流波鶴
蓋分陰促龍軒別念多延襟小山路還起大風歌

和張岳州說王潭州熊別詩

二首序曰余昔忝省閣與岳州張使君潭

州王都督同官聯事後承朝譴各自東西張公與王都督別詩情頗殷切余覽以耿歎因遙申和云

韋嗣立

茂先王佐才作牧楚江隈登樓三欲賦復遇仲宣來黃

律詩

鵠飛將遠

百一十一

昔聯事聽曲有餘哀

昔時陪二賢纓冕會神仙一去馳江海相逢共播遷無
因千里駕忽覩四愁篇覽諷權何已權終徒愴然

唐詩所第二十八卷

律詩

前集

贈吏部孫員外濟

張諤

天子愛賢才星郎入拜來明光朝半下建禮直初迴名
帶含香發文隨綺幕開披雲自有鏡從此照仙臺

贈苗發員外

祖詠

宿雨朝來歇空山天氣清盤雲雙鶴下隔水一蟬鳴古
道黃花落平蕪赤燒生茂陵雖有病猶得伴君行

贈陳二補闕

杜甫

世儒多汨沒夫子獨聲名獻納開東觀君王問長卿皂
鶻寒始急天馬老能行自到青冥裏休看白髮生

律詩五言

卷二十八

一

贈杜二拾遺

高適

傳道招提客詩書自討論佛香時入院僧飯屢過門聽
法還應難尋經剩欲翻草玄今已畢此外復一作後何言

贈嚴八閣老

杜甫

扈聖登黃閣明公獨妙年蛟龍得雲雨鷓鴣在秋天客
禮容踈放官曹可接聯新詩句句好應任老夫傳

岳州贈廣平公宋大夫

張說

亞相本時英歸來復國楨朝推長孺直野幕隱之清傳
節還一作迴閩嶂皇恩一作華入漢京寧思江上老歲宴獨

一作寒無成

至鴨欄驛上白馬磯贈裴侍御

李白

側疊萬古石橫為白馬磯亂流若電轉舉棹揚珠輝臨
驛卷緹幕升堂接繡衣情親不避馬為我解霜威

贈薛校書

我有吳趨曲無人知此音姑蘇成蔓草麋鹿空悲吟未
誇觀濤作空鬱釣鰲心舉手謝東海虛行歸故林

贈王中允維

杜甫

中允聲名久如今契濶深共傳收庾信不比得陳琳一
病緣明主三年獨此心窮愁應有作試誦白頭吟

初發荆府贈長史

宋之問

仍隨五馬謫載與兩禽奔明
主無由見羣公莫與言幸君逢聖日何惜理虞翻

贈昇州王使君忠臣

李白

六代帝王國三吳佳麗城賢人當重寄天子借高名巨
海一邊靜長江萬里清應須救趙策未肯棄侯嬴

贈衛倉曹崇簡

一作吾宗

杜甫

吾宗老孫子質朴古人風耕鑿安時論衣冠與世同在
家常早起憂國願年豐語及君臣際經書滿腹中

贈崔秋浦

三首

李白

吾愛崔秋浦宛然陶令風門前

一作栽

五楊柳井上

一作夾

二梧桐山鳥下廳事簷花落酒中懷君未忍去惆悵意
無窮

崔令學陶令

一作君似陶彭澤

北窗常晝眠抱琴時弄月

一作弄秋

水取意任無絃見客但傾酒為官不愛錢東臯春事起

種黍早歸田

一作東臯多種黍勸爾早耕田

河陽花作縣秋浦玉為人地逐名賢好風隨惠化春水
從天漢落山逼畫屏新應念金門客投沙弔楚臣

贈任城盧主簿

海鳥知天風窳身魯門東臨觴不能飲矯翼思凌風鐘
鼓不為樂煙霜誰與同歸飛未忍去流淚謝鷓鴣

贈漢陽輔錄事

聞君罷官意我抱漢川湄借問久踈索一作踈索後何如聽
訟時天清江月白心靜海鷗知應念投沙客空餘弔屈
悲

贈王十將軍承俊

杜甫

將軍膽氣雄臂懸兩角弓纏結青驄馬出入錦城中時
危未授鉞勢屈難為功賓客滿堂上何人高義同

晚秋贈張折衝

薛業

都尉今無事時清但閉關夜霜戎馬瘦秋草射堂間位
以穿楊得名因折桂還馮唐真不遇歎息鬢毛斑

贈梁州張都督

崔顥

聞君為漢將虜騎罷一作不南侵出塞一作積清沙漠還家
拜羽林風霜臣節苦歲月主恩深為語西河使知余報
國心

奉使朔方贈郭都護

李華

絕塞臨光祿孤營佐貳師鐵衣三一作山月冷金鼓朔風
悲都護徵兵日將軍破虜時揚鞭玉關道回首望旌旗

贈崔司馬

張九齡

優閒表政清林薄賞秋成江上懸曉月往來虧復盈天
雲抗直意郡閣晦高名坐嘯應無欲寧孤濟物情

律言

卷二十八

四

贈錢徵君少陽

一作送趙雲卿

李白

白玉一杯酒綠楊三月時春風餘幾日兩鬢各成絲乘
燭惟須飲投竿也未遲如逢渭水一作川獵猶可帝王師

贈楊徵君鴻

陶令辭彭澤梁鴻入會稽我尋高士傳君與古人齊雲
臥留丹壑天書降紫泥不知楊伯起早晚向關西

贈程處士

王績

百年長擾擾萬事悉悠悠日光隨意落河水任情流禮
樂囚姬旦詩書縛孔丘不如高枕枕一作上時取醉消愁

贈廣川馬先生

盧象

經書滿腹中吾識廣川翁年老甘無位家貧懶發蒙人
歸洙泗學歌盛舞雩風願接諸生禮三年事馬融

贈孟浩然

李白

吾愛孟夫子風流天下聞紅顏棄軒冕白首臥松雲醉
月頻中聖迷花不事君高山安可仰徒此揖清芬

贈郭季鷹

河東郭有道於世若浮雲盛德無我位清光獨映君耻
將雞並食長與鳳為羣一擊九千仞相期凌紫氛

贈柳圓

竹實滿秋圃鳳來何苦飢還同月下鵲三繞未安枝夫

律言

卷二十八

五

子即瓊樹傾柯拂羽儀懷君戀明德歸去日相思

贈高式顏

杜甫

昔別是何處相逢皆老夫故人還寂寞削迹共艱虞自
失論文友空知賣酒壚平生飛動意見爾不能無

贈畢四曜

才大今詩伯家貧苦宦卑饑寒奴僕賤顏狀老翁為同
調嗟誰惜論文笑自知流傳江鮑體相顧免無兒

贈孟氏

孟氏好兄弟養親唯小園承顏胝手足坐客強盤殮負
米夕一作力葵外讀書秋樹根卜鄰慙近舍訓子覺一作學

先門

贈谿叟

釋景雲

溪翁居處靜谿鳥入門飛早起釣魚去夜深乘月歸露
香菰米熟煙暖荇絲肥瀟灑塵埃外扁舟一草衣

歲晚還京臺望城闕成口號先贈交親

盧僎

紫陌開行樹朱城出晚霞猶憐慣去國疑是夢還家風
弱知催柳林青覺待花交親望歸騎幾處擁年華

望九華贈青陽韋仲堪

李白

昔在九江上遙觀一作望九華峰天河挂綠水秀出九芙蓉

蓉我欲一揮手誰人可相從君為東道主於此臥雲松

晚渡滹沱敬贈魏大

盧照隣

津谷朝行遠冰川夕望曛霞明深淺浪風卷去來雲澄
波泛月影激浪聚沙文誰恐仙舟上携手獨思君

京還贈張維

孟浩然

拂衣何處去

一作去何處

高枕南山南欲徇五斗祿其如七

不堪早朝非晚

一作晏

起束帶異抽簪因向智者說遊魚

思舊潭

南中贈高六戩

張說

北極辭明代南溟宅放臣丹誠由義盡白髮帶愁新鳥

陸炎洲氣花飛洛水春平生歌舞席誰憶不歸人

南州有贈 二首

賈至

極浦三春草高樓萬里心楚山晴靄碧湘水暮流深忽

與朝中舊同為澤畔吟停盃試北望還欲淚沾襟

越井人南去湘川水北流江邊數杯酒海內一孤舟嶺

嶠同仙客京華即舊遊春心將別恨萬里共悠悠

峴亭贈房琯崔宗之

孟浩然

貴賤平生隔軒車是日來青陽一觀止雲路

一作霧豁然

開祖道衣冠列分亭驛騎催方期九日聚還待二星廻

韜川閒居贈裴秀才迪

王維

寒山轉蒼翠秋水日潺湲倚杖柴門外臨風聽暮蟬渡
頭餘落日墟里上孤煙復值接輿醉狂歌五柳前

道逢北使題贈京邑親知

張九齡

征驂稍靡靡去國方遲遲路遠南登岸情搖北上旗故
人憐別日旅鴈逐歸時歲晏無芳草將何寄所思

召拜御史大夫贈袁天綱

杜淹

伊呂深可慕松喬定是虛繫風終不得脫屣欲安如且
珍純素美當與薜蘿踈既逢楊得意非復久閒居

醉後贈張九旭

高適

世上謾相識此翁殊不然興來書自聖醉後語尤顛白

髮老閒事青雲在目前牀頭一壺酒能更幾回眠

官定後戲贈

時免河西尉為右衛率府兵曹

杜甫

不作河西尉淒涼為折腰老夫怕趨走率府且逍遙

酒須微祿狂歌託聖朝故山歸興盡迴首向風颭

貽主客呂郎中

儲光羲

七士既開天中朝為得賢青雲方羽翼畫省比神仙委

珮雲霄裏含香日月邊

一作前

君王倘借問客有上林篇

泊江潭貽馬校書

明月挂青天遙遙如目前故人遊畫閣却望似雲邊水

宿依漁父歌聲和好

一作

采蓮采蓮江上曲今夕為君傳

寄荊州張丞相

王維

所思竟何在，悵望深荆門。舉世無相識，終身思舊恩。方將與農圃，藝植老丘園。目盡南飛一作天，鴈何由寄一言。

南還舟中寄袁太祝

孟浩然

沿沂非便習，風波厭苦辛。忽聞遷谷鳥，來報五陵春。嶺北迴征帆，一作棹巴東問故人。桃一作花源何處是，遊子正迷津。

迷津

早發湘潭寄杜員外院長

韋迢

北風昨夜雨，江上早來涼。楚岫千峰翠，湘潭一葉黃。故人湖外客，白首尚為郎。相憶無南鴈，何時有報章。

寄左省杜拾遺

岑參

聯步趨丹陛，分曹限紫微。曉隨天仗入，暮惹御香歸。白髮悲花落，青雲羨鳥飛。聖朝無闕事，自覺諫書稀。

寄李侍御

張謂

柱下聞周史，書中慰越吟。近看三歲字，遙見百年心。價以吹噓長，恩從顧盼深。不栽桃李樹，何日得成陰。

寄李十五秘書文嶷

杜甫

避暑雲安縣，秋風早下來。暫留魚復浦，同過楚王臺。猿鳥千崖窄，江湖萬里開。竹枝歌未好，畫舸且遲迴。行李千金贈，衣冠八尺身。飛騰知有策，意度不無神。班

秩兼通貴公侯出異人玄成負文采世業豈沈淪

寄趙正字

孟浩然

正字芸香閣幽人竹素園經過宛如昨歸卧寂無喧高鳥能擇木羝羊漫觸藩物情今已見從此願忘言

寄高三十五詹事

杜甫

安穩高詹事兵戈久索居時來知一作如官達歲晚莫情踈天上多鴻鴈池中足鯉魚相看過半百不寄一行書

赴青城縣出成都寄陶王二少尹

老被樊籠役一作老臥貧嗟出入勞客情投異縣詩態

憶吾曹東郭滄江合西山白雪高文章差底病迴首興

滔滔

寄從弟宣州長史昭

李白

爾佐宣州郡守官清且閒常誇雲月好邀我敬亭山五落洞庭葉三江猶一作遊未還相思不可見歎息損朱顏

寄崔澧州

張謂

共襍臺郎被俱寨郡守帷罰金殊往日鳴玉幸同時五馬來何晚雙魚贈已遲江頭望卿月無夜不相思

寄楊五桂州譚

杜甫

五嶺皆炎熱宜人獨桂林梅花萬里外雪片一冬深聞此寬相憶為邦復好音江邊送孫楚遠附白頭吟

江上代書寄裴使君

獨孤及

何地離念劇江臯風雪時艱難傷遠道老大怯前期疇
昔行藏計祇將力命推能令書信數猶足緩相思

唐城館中早發寄楊使君

孟浩然

犯霜驅曉駕數里見唐城旅館歸心逼荒村客思盈訪
人留後信策蹇赴前程欲識離竟斷長空聽鴈聲

寄王漢陽

李白

南湖秋月白王宰夜相邀錦帳郎宮醉羅衣舞女嬌笛
聲喧沔鄂歌曲上雲霄別後空愁我相思一水遙

寄當塗趙少府炎

登高樓望才落雙江清寒山饒積翠秀色連州城目
送楚雲盡心悲胡鴈聲相思不可見迴首故人情

江上寄山陰崔少府國輔

孟浩然

春堤楊柳發憶與故人期草木本無意榮枯自有時山
陰定遠近江上日相思不及蘭亭會空吟被襖詩

宿永嘉江寄山陰崔少府國輔

我行窮水國君使入京華相去日千里孤帆天一涯卧
聞海潮至起視江月斜借問同舟客何時到永嘉

永嘉卽事寄贛縣袁少府瓘

張子容

山繞樓臺出谿通里閤斜曾爲謝客郡多有逐臣家海

律詩 卷二十八 一
氣朝成雨江天晚作霞題書報賈誼此濕似長沙

寄邛州崔錄事

杜甫

邛州崔錄事聞在果園坊久待無消息終朝有底忙應

愁江樹遠怯見野亭荒浩蕩風塵一作煙外誰知酒熟香

途中寄徐錄事

比以王書見贈

高適

落日風雨至秋天鴻鴈初離憂不堪比旅館復何如君

又幾時去我知音信疎空多篋中贈長見右軍書

秋山寄衛尉張卿王徵君

李白

何以折相贈白花青桂枝月華若夜雪見此令人思雖

然剡谿興不異山陰時明發懷二子空吟招隱詩

寄宇文判官

岑參

西行殊未已東望何時還終日風與雪連天沙復山

年領公事兩度過陽關相憶不可見別來頭已斑

寄高三十五書記

杜甫

歎息高生老新詩日又多美名人不及佳句法如何主

將收才子崆峒足凱歌聞君已朱紱且得慰蹉跎

行至汝墳寄盧徵君

孟浩然

行之憩予駕依然見汝墳洛川方罷雪嵩嶂有殘雲曳

曳半空裏明明一作溶溶五色分聊題一時興因寄盧徵君

寄江滔求孟六遺文

劉昫

南望襄陽路思君情轉親
偏知漢水廣應與孟家鄰
在日貧爲善昨來聞更貧
相如有遺草一爲問家人

寄楊公

李百藥

公子盛西京光華早著名
分庭接遊士虛館待時英
高閣浮香閣長廊寶釧鳴
面花無隔笑歌扇不障聲

寄胡皓

時在南中

李义

徭役苦流滯風波限沂洄
江流通地骨山道繞天台
有鳥圖南去無人見一作自
北來閉門滄海曲雲霧待君開

寄盧八象

崔顥

客從巴水渡傳爾沂行舟
是日風波霽高唐雨半收
青

山滿蜀道綠水向荊州
不作書相問誰能慰別愁

寄高適

杜甫

楚隔乾坤遠難招病客魂
詩名唯我共世事與誰論
北闕更新主南星落故園
定知相見日爛熳倒芳樽

寄賀蘭二鈿

朝野歡娛後乾坤震蕩中
相隨萬里日一作目總作白頭翁
歲晚仍分袂江邊更轉蓬
勿云俱異域飲啄幾廻同

寄杜位

頃者與位同在嚴尚書幕

寒日經簷短窮猿失木悲
峽中爲客恨江上憶君時
天地身何往風塵病敢辭
封書兩行淚霑灑裏新詩

寄鏡湖朱處士

李頎

澄霽晚流濶微風吹綠蘋
鱗鱗遠峰見淡淡平湖春
芳草日堪把白雲心所親
何時可為樂夢裏東山人

寄淮南友人

李白

紅顏悲舊國青歲歇芳洲
不待金門詔空持寶劍遊
海雲迷驛道江月隱鄉樓
復作淮南客因逢桂樹留

寄弟

孟浩然

獻策金門去承歡綵服違
以吾一日長念爾聚星稀
昏定須溫席寒多未授衣
桂枝如已擢早逐鴈南飛

丘中春卧寄王子

岑參

田中開白室林下閉玄關
卷跡人方處無心雲自閒
竹深喧暮鳥花缺露春山
勝事那能說王孫去未還

歲暮磧外寄元撫

西風傳戍鼓南望見前軍
沙磧人愁月山城犬吠雲
別家逢逼歲出塞獨離羣
髮到陽關白書今遠報君


三山望金陵寄殷淑

李白

三山懷謝朓水澹一作綠水望長安
蕪沒河陽縣秋江正北
看盧龍霜氣冷鳩鵲月光寒
耿耿憶瓊樹天涯寄一歡

江上寄巴東故人

漢水波浪遠巫山雲雨飛
東風吹客夢西落此中時
覺



後思白帝佳人與我違瞿塘饒賈客音信莫令稀

新安江上寄處士

孟雲卿

深潭與淺灘萬轉出新安人遠禽魚靜山空水木寒嘯
起青蘋未吟矚白雲端卽事遂幽賞何必挂儒冠

宿桐廬江寄廣陵舊遊

孟浩然

山暝聞一作聽猿愁滄江急夜流風鳴兩岸葉月照一孤
舟建德非吾土維揚憶舊遊還將兩一作數行淚遙寄海

西頭

洞庭湖寄閻九

洞庭秋正闊余欲泛歸船莫辨荆吳地唯餘水共天渺

瀟江樹沒合沓海潮連遲爾爲舟楫相將濟巨川

谿行寄王震

張九齡

山氣朝來爽谿流日向清遠心何處愜閒棹此中行叢
桂林間待羣鷗水上迎徒然適我願幽獨爲誰情

途次維揚望京口寄白下諸公

蔣渙

北望情何限南行路轉深晚帆低荻葉寒日下楓林雲
白蘭陵渚煙青建業岑江天秋向盡無處不傷心

初發道中寄遠

張九齡

日夜鄉山遠秋風復此時舊聞胡馬思今聽楚猿悲念
別朝昏苦懷歸歲月遲壯圖空不息常恐髮如絲

途中寄友人

孟雲卿

昔時聞遠路謂是等閒行及到求人地始知為客情事
將公道背塵遶馬蹄生儻使長如此便堪休去程

沙丘城下寄杜甫

李白

我來竟何事高臥沙丘城城邊有古樹日夕連秋聲魯
酒不可醉齊歌空復情思君若汶水浩蕩寄南征

潞府客亭寄崔鳳童

王昌齡

蕭條郡城閉旅館空寒煙秋月對愁客山鐘搖暮天新
知偶相訪斗酒情依然一宿阻長會清風徒滿川

佐還山後寄

杜甫

山晚黃

一作浮

雲合歸時恐路迷澗寒人欲到林

一作村

鳥應棲野客茅茨小田家樹木低舊諳踈嬾叔須汝故
相攜

幾道泉澆圃交橫落幔坡葳蕤秋葉少隱映野雲多隔
沼連香芰通林帶女蘿甚聞霜薤白重惠意如何

白露黃梁熟分張素有期已應春得細頗覺寄來遲味
豈同金菊香宜配綠一作紫葵老人他日愛正想滑流匙

范二員外邈吳十侍御郁特枉駕闕展待聊寄此
作

暫往比鄰去空聞二妙歸幽棲誠簡略衰白已光輝野

外貧家遠村中好客稀論文或不愧重肯欵柴扉

廣州段功曹到得楊五長史書功曹却歸聊寄此

詩

衛青開幕府楊僕將樓船漢節梅花外春城海水邊銅
梁書遠及珠浦使將旋貧病他鄉老煩君萬里傳

第五弟豐獨在江左近三四載寂無消息覓使寄

此二首

亂後嗟吾在羈棲見汝難草黃騏驎病沙晚鶴鴿寒楚
設關城險吳吞一作吞水府寬二十一年朝夕淚衣袖不

曾乾

聞汝依山寺杭州定越州風塵淹別日江漢失清秋影

著啼猿樹覓飄結蜃樓明年下春水東盡白雲求

聞裴侍御拙自襄州司戶除豫州司戶因以投寄

孟浩然

故人荆府掾尚有柏臺威移職自樊衍一作沔芳聲聞帝

畿昔余卧林巷載酒過一作訪柴扉松菊無時賞鄉園欲

懶一作懶欲歸

七月三日在內學見有高道舉徵宿關西客舍寄

東山巖許二山人

岑參

雲送關西雨風傳渭北秋孤燈然客夢寒杵搗鄉愁灘

上思嚴子山中憶許由蒼生今有望飛詔下林丘

軍中醉飲寄沈八劉叟

杜甫

酒渴愛江清餘酣漱晚汀軟莎欹坐穩冷石醉眠醒野
膳隨行帳華音發從伶數杯君不見都已遣沈冥

戲寄崔評事表姪蘇五表弟韋大少府諸侄

隱豹深愁雨潛龍故起雲泥多仍徑曲心醉阻賢羣恐
待丘山麗還披鮑謝文高樓憶踈豁秋興坐氤氳

簡高三十五使君

當代論才子如公復幾人驂騮開道路鷹隼出風塵行
色秋將晚交情老更親天涯喜相見披豁對吾真

行次鹽亭縣簡嚴遂州蓬州兩使君咨

馬首見鹽亭高山擁縣青雲谿花淡淡春郭水泠泠
蜀多名士嚴家聚德星長歌意無極好為老夫聽

簡王明府

葉縣郎官宰周南太史公神仙才有數流落意無窮驥
病思偏秣鷹愁一作秋怕苦籠看君用高義恥與萬人同

重簡王明府

甲子西南異冬來只薄寒江雲何夜靜蜀雨幾時乾行
李須相問窮愁豈自一作有寬君聽鴻響恐致稻梁難

官亭夕坐戲簡顏十少府

南國調寒杵西江浸日車
春風送遠蟪蛄亭古帶蒹葭不
返青絲鞵虛燒夜燭花
主細細酌流霞

寄上吳王

李白

淮王愛八公攜手綠雲中
小子忝枝葉亦攀丹桂叢
謬以詞賦重而將枚馬同
何心一作背淮水東之觀士風

戲題寄上漢中王

三首時王在梓州初至斷酒不飲杜甫

西漢親王子成都老客星
百年雙白鬢一別五秋螢
忍斷盃中物祗看座右銘
不能隨皂蓋自醉逐浮萍
策杖時能出王門異昔遊
已知嗟不起未許醉相留
蜀酒濃無敵江魚美可求
終思一酩酊淨掃鴈池頭

羣盜無歸路衰顏會遠方
尚憐詩警策猶憶酒顛狂
魯衛彌尊重徐陳略喪亡
空餘枚叟在應念早升堂

夜宿西閣曉呈元二十一曹長

城暗更籌急樓高雨雪微
稍通綃幕霽遠帶玉繩稀
門鵲晨光起穉烏宿處飛
寒江流甚細有意待人歸

西閣口號呈元二十一

山木抱雲稠寒江一作空繞上頭
雪崖纔變石風慢不依樓
社稷堪流涕安危在運籌
看君話王室感動幾銷憂

覽鏡呈柏中丞

渭水流關內終南在日邊
膽銷豺虎窟淚入犬羊天
起

晚堪從事行遲更覺仙鏡中衰謝色萬一故人憐

路逢襄陽楊少府入城戲呈楊四員外綰

寄語楊員外山寒少茯苓歸來稍暄一作和暖當為斲青

冥翻動一作神仙窟封題鳥獸形兼將老藤杖扶汝醉

初醒

舍弟占歸草堂檢校聊示此詩

久客應吾道相隨獨爾來孰知江路近頻為草堂回鵝

鴨宜長數柴荆莫浪開東林竹影薄臘月更須栽

示姪佐佐草堂在東柯谷

多病秋風落君來慰眼前自聞茅屋趣只想竹林眠滿

谷山雲起侵籬澗水懸嗣宗諸子姪早覺仲容賢

戲題示蕭氏甥

王維

憐爾解臨池渠爺未學詩老夫何足似弊宅倘因之蘆

筍穿一作藏荷葉菱花罨鴈兒却公不易勝莫著外家欺

天末懷李白

杜甫

涼風起天末君子意如何鴻鴈幾時到江湖秋水多文

章憎命達魑魅喜人過應共冤冤語投詩贈汨羅

春日懷李白

白也詩無敵一作數飄然思不羣清新庾開府俊逸鮑參

軍渭北春天樹江東日暮雲何時一樽酒重與細論文

冬日懷李白

寂寞書齋裏終朝獨爾思更尋嘉樹傳不忘角弓詩
裊風霜入還丹日月遲未應一作乘興去空有鹿門期

初秋憶金均兩弟

張九齡

江渚秋風至他鄉離別心孤雲愁自遠一葉感何深
憂喜嘗同域飛鳴忽異林青山西北望堪作白頭吟

暫如臨邑至嵒山湖奉懷李員外率爾成興

杜甫

野亭逼湖水歇馬高林間鼉吼風奔浪魚跳日暎山暫
避阻詞伯却望懷青關藹藹生雲霧唯應促駕還

初出關旅亭夜坐懷王大校書

孟浩然

向夕槐煙起葱蘢池館曛客中無偶坐關外惜離羣
燭至螢光滅荷枯雨滴聞永懷芸閣友寂寞滯揚雲

將至岳陽有懷趙二

張九齡

湘岸一作浦多深林青冥晝結陰獨無謝客賞况復賈生
心草色雖云發天光或未臨江潭非所遇為爾白頭吟

登凌湖亭傷春懷京師故舊

獨孤及

昨日看搖落驚秋方怨咨幾經開口笑復及看花時世
事空名束生涯素髮知山山春草滿何處不相思

閒園懷蘇子

孟浩然

林園雖少事幽獨自多違向夕開簾坐庭陰落景微鳥
過一作煙樹宿螢傷水軒飛感念同懷子京華去不歸

憶弟二首時歸在陸渾莊

杜甫

喪亂聞吾弟饑寒傷濟州人稀書不到兵在見何由憶
昨狂催走無時病去憂即今千種恨惟共水東流
且喜河南定不問鄴城圍百戰今誰在三年望汝歸故
園花自發春日鳥還飛斷絕人煙久東西消息稀

憶幼子幼子宗武小名驥子

驥子春猶隔鶯歌暖正繁別離驚節換聰慧與誰論澗
水空山道柴門老樹村憶渠愁只睡一作炙背俯晴軒

江行夜宿龍吼灘臨眺思峨眉隱者兼寄幕中諸

公 岑參

官舍臨江口灘聲已一作慣聞水煙晴吐月山火夜燒
雲且欲尋方士無心戀使君異鄉何可住况復久離羣

尋陽七郎中

萬事信蒼蒼機心久已忘無端來出守不是厭為郎雨
滴芭蕉赤霜催橘子黃逢君開口笑何處有他鄉

尋廬山崔徵君 丘為

日高雞犬靜門掩向寒塘夜竹深茅宇秋亭冷石牀住
山年已遠服藥壽偏長虛棄浮生者相逢益自傷

尋張五

孟浩然

聞就龐公隱移居近洞一作湖興來林是竹歸臥谷名
愚挂席樵風便開軒琴月孤歲寒何用賞霜露一作零落故園蕪

裴司士員司戶見尋

府僚能枉駕家醞復新開落日池上酌清風松下來厨
人具雞黍稚子摘楊梅誰道山公醉猶能騎馬回

張七及辛大見尋

山公能飲酒居士好彈箏世外交初得林中契已并納
涼風颯至逃暑日將傾便就南亭裏餘樽惜解醒

過客相尋

杜甫

窮老真無事江山已定居地幽忘盥櫛客至罷琴書挂
壁移筐果呼兒問煮魚時聞繫舟楫及此問吾廬

春中喜王九相尋

一作晚春

孟浩然

二月湖水清家家春鳥鳴林花掃更落徑草踏還生酒
伴來相命開樽共解醒當盃已入手歌妓莫停聲

尋徐山人遇馬舍人

儲光義

泊舟伊川右正見野人歸日暮春山綠我心清且微巖
聲風雨度水氣雲霞飛復有金門客來叅蘿薜衣
與韓侍御尋李七舍人不遇題壁 獨孤及

三逕何寂寂主人山上山亭空簷月在水落釣磯閒藥院雞犬靜酒壚苔蘚斑知君少機事當待暮雲還

憑孟倉曹將書覓士婁舊莊

杜甫

平居喪亂後不到洛陽岑為歷雲山問無辭荆棘深北風黃葉下南浦白頭吟十載江湖客茫茫遲暮心

王十五司馬弟出郭相訪兼遺營草堂貲

客裏何遷次江邊正寂寥肯來尋一老愁破是今朝憂我營茅棟攜錢過野橋他鄉惟表弟還往莫辭遙

九月一日過孟十二倉曹十四主簿兄弟

藜杖侵寒露蓬門啓曙煙力稀經樹歇老困撥書眠秋

覺追隨盡來因孝友偏清談見滋味爾輩可忘年

武威同諸公過楊七山人

得藤字

高適

幕府日多暇田家歲復登相知恨不早乘興乃無怙窮巷在喬木深齋垂古藤邊城唯有醉此外更何能

攜素饌過王維

慕容承

行行西陌返駐幘問車公挾轂雙官騎應門五尺僮老年如塞北強起離牆東為報壺丘子來人道姓蒙

慕容承見過

王維

紗帽烏皮几閒居懶賦詩門看五柳識年算六身知靈壽君王賜彫胡弟子炊空勞酒食饌持底解人頤

鄭果州相遇

麗日照殘春初晴草木新
牀前磨鏡客樹下灌園人
五馬驚窮巷雙童逐老身
中厨辦麤飲當恕阮家貧

徐九少尹見過

杜甫

晚景孤村僻行軍數騎來
交新徒有喜禮厚媿無才
賞靜憐雲竹忘歸步月臺
何當看花藥欲發照江梅

有客

一作賓至

忠氣經時久臨江卜宅新
喧卑方避俗踈快頗宜人
有客過茅宇呼兒正葛巾
自鋤稀菜甲小摘為情親

北隣

明府豈辭滿藏身方告勞
青錢買野竹白幘岸江臯
愛酒晉山簡能詩何水曹
時來訪老疾步履到蓬蒿

晚晴吳郎見過

圃畦新雨潤媿子廢鋤來
竹杖交頭拄柴扉隔一作徑
開欲棲羣鳥亂未去小童催
明日重陽酒相迎自撥醅

晚春嚴少尹與諸公見過

王維

松菊荒三逕圖書共五車
烹葵邀上客看竹到貧家
鵲乳先春草鶯啼過落花
自憐黃髮暮一倍惜年華

李少府與楊

一作王九再過

孟浩然

弱歲早登龍今來喜再逢
如何春月柳猶憶歲寒松
煙

火臨寒食笙歌達曙鐘喧喧關雞道行樂羨朋從

王竟攜酒高亦同過共用寒字

王侍御掄高使君適

杜甫

臥疾荒郊遠通行小徑難故人能領客攜酒重相看自愧無鮭菜空煩卸馬鞍移時勸山簡頭白恐風寒

喜遇冀侍御珪崔司議泰之二使

序曰余獨坐一隅孤憤五蠹雖

身在江海而心馳魏闕歲時仲春幽臥未起忽聞二星入井四牡臨亭邀使者之車乃故人之駕隱几一笑把臂入林既聞朝廷之樂復此琴樽之事山林幽寂鍾鼎舊遊語默譚詠今復一得况北堂夜永西軒月微巴山有望別之嗟洛陽無寄載之客江關離會三千餘里名位寵辱以增別後之思蟋蟀笑人夫子何嘆

陳子昂

謝病南山下幽臥不知春使星入東井云是故交親惠風吹寶瑟微月憶清真憑軒一留醉江海寄情人

逢唐興劉主簿第

杜甫

分手開元末連年絕尺書江山且相見戎馬未安居劍外官人冷關中驛騎一作踈輕舟下吳會主簿意何如

溫泉侍從歸逢故人

李白

漢帝長湯苑誇胡羽獵歸子雲叨侍從獻賦有光輝激賞搖天筆承恩賜御衣逢君奏明主他日共翻飛

若耶谿逢孔九

綦母潛

相逢此谿曲勝託在煙霞潭影竹間動巖陰簷外斜人
一作生上皇代犬吠武陵家借問淹留日春風滿若耶

使至汴州喜逢宋之問

李夔

阮籍蓬池上孤韻竹林才巨源從吏道正擁使車來相
逢且交臂相命且銜杯醉後長歌畢餘聲繞吹臺
遊兗郡逢孔君自衛來欣然相遇若舊

駱賓王

遊人自衛返背客隔淮來傾蓋金蘭合忘筌玉葉開繁
花明日柳疎葢落風梅將期重交態時慰不然灰

永嘉上浦館逢張八子容

孟浩然

逆旅相逢處江村日暮時衆山遙對酒孤嶼共題詩解

宇鄰蛟室人煙接島夷鄉園一作關萬餘里失路一相悲

臨渙裴明府席遇張十一房六

河縣柳林邊河橋晚泊船文叨才子會官喜故人聯笑

語同今夕輕肥異往年晨風理歸一作征棹吳楚各依然

春興思南山舊廬招柳建正字 岑參

終歲不得意春風今復來自憐蓬鬢改羞見梨花開西
掖誠可戀南山思早回園廬幸接近相與歸蒿萊

高冠一作官谷口招鄭鄠

谷口來相訪空齋不見君澗花然暮雨潭樹暖春雲門

徑稀人迹簷峰下鹿羣衣裳與枕席山靄碧氛氳

郡齋南池招楊麟

郡僻人事少雲山常

一作遮

眼前偶從池上醉便向舟中

眠與子居最近同官情又偏閒時耐相訪正有牀頭錢

藍上芳茨期王維補闕

儲光義

山中人不見雲去夕陽過淺瀨寒魚少藜蘭秋蝶多老

年踈世事幽性樂天和酒熟思才子谿頭望玉珂

使往天平軍馬約與陳子昂新鄉爲期及還而不

相遇

宋之問

入衛期之子吁嗟不少留情人去何處淇水日悠悠恒

碣青雲斷衡漳白露秋知君心許國不是愛封侯

宿京江口期劉脊虛不至

王昌齡

霜天起長望殘月生海門風靜夜潮滿城高寒氣昏故

人何寂寞久已乖清言明發不能寐徒盈江上樽

西閣三度期大昌嚴明府同宿不到

杜甫

問子能來宿今疑索故要匣琴虛夜夜手板自朝朝金

吼霜鐘徹花催蠟炬銷早鳧江檻底雙影謾飄颻

待儲光義不至

王維

重門朝已啓起坐聽車聲要欲聞清珮方將出戶迎晚

鍾鳴上苑疎雨過春城了自不相顧臨堂空復情

盧巴驛聞張御史張判官欲到不得待有作

張說

旅竄南方遠傳聞北使來舊庭知玉樹合一作浦識珠

胎白髮因愁改一作丹誠心託夢迴皇恩若再造為

惘不然灰

號州南池候嚴中丞不至

岑參

正上日相待知君殊未回徒教柳葉長漫使梨花開駟

去不見雙魚空往來相思不解說孤負舟中盃

渝州候嚴六侍御不到先下峽

杜甫

聞道乘駟發沙邊待至今不知雲雨散虛費短長吟山

帶烏蠻闊江連白帝深船經一作過一柱觀留眼共登臨

夜泊牛渚趁薛八船不及

孟浩然

星羅牛渚夕風退蠲舟遲浦淑嘗同宿煙波忽間之榜

歌空裏失船火望中疑明發泛滄湖一作海茫茫何處期

中峰居喜見苗發

祖詠

自得中峰住深林亦閉關經秋無客到入夜有僧還暗

澗泉聲小荒岡樹影閒高窓不可望星月滿空山

喜觀卽到復題短篇

杜甫

巫峽千山暗終南萬里春病中吾見弟書到汝為人意

答兒童問來經戰伐新泊船悲喜後款款話歸秦
待爾嗔烏鵲拋書示鵲鴿枝間喜不去原上急曾經江
閣嫌津柳風帆數驛亭應論十年事愁絕始星星

喜祖三至留宿

王維

門前洛陽客下馬拂征衣不枉故人駕平生多掩扉行
人返深巷積雪帶餘暉早歲同袍者高車何處歸

答王維

祖詠

四年不相見相見復何為握手言未畢却令傷別離升
堂還駐馬酌醴便呼兒語嘿自相對安用傷人知
武威春暮聞宇文判官西使還已到晉昌

岑參

片雨過城頭黃鸝上戍樓塞花飄客淚邊柳挂鄉愁白
髮悲明鏡青春換弊裘君從萬里使聞已到瓜州

聞斛斯六官未歸

杜甫

故人南郡去去索作碑錢本賣文為活翻令室倒懸荆
扉深蔓草土銼冷踈煙老罷休無賴歸來省醉眠

得台州鄭司戶消息

一作所思

鄭老身仍竄台州信始傳為農山澗曲卧病海雲邊世
已踈儒素人猶乞酒錢徒勞望牛斗無計斲龍泉

得廣州張判官叔卿書使還以詩代意

鄉關胡騎遠宇宙蜀城偏忽得炎州信遙從月峽傳雲
深驃騎幕夜隔孝廉船却寄雙愁眼相思淚點懸

得舍弟觀書自中都已達江陵今茲暮春月未行

李合到夔州悲喜相兼團圓可待賦詩卽事情見

乎辭

爾到江陵府何時到峽州亂離生有別聚集病應瘳颯
颯開啼眼朝朝上水樓老身須付託白骨更何憂

得舍弟消息

三首

亂後誰歸得他鄉勝故鄉直爲心厄苦久念與存亡汝
書猶在壁汝妾已辭房舊大知愁恨垂頭傷我牀

也有平陰信遙憐舍弟存側身千里道寄食一家

平新醜戰啼垂舊血痕不知臨老日招得幾時覓

及懦歸無計吾衰徃未期浪傳烏鵲喜深負鶴鴒詩生

理何顏面憂端且歲時兩京三十口雖在命如絲

不見

近無李白消息

不見李生久佯狂真可哀世人皆欲殺吾意獨憐才敏

捷詩千首飄零酒一盃匡山讀書處頭白好歸來

孟倉曹步趾領酒醬二物滿器見遺老夫

楚岸通秋屐胡牀面夕哇藉糟分汁滓甕醬落提攜飯

襤添不有醉泥理生那免俗方法報山妻

秋日阮隱居致薤三十束

隱者柴門內畦蔬遶舍秋盈筐承露薤不待致書求束
比青芻色圓齊玉筋頭衰年關鬲冷味暖併無憂

答燕公

趙冬曦

語別意淒淒零陵湘水西佳人金谷返愛子洞庭迷舊
館逢花發他山值鳥啼江天千里望誰見綠蘋齊

在洪州答綦母學士

張九齡

旬雨不愆期由來自若時爾無言郡政吾豈欲天欺常
念涓塵益惟歡草樹滋課成非所擬人望在東菑

答李司戶夔

宋之問

遠方來下客輜軒攝一作使臣弄琴宜在夜傾酒一作逢

春駟馬留孤館雙魚贈故人明朝散雲一作雨遙仰德

為隣

東征至淇門答宋參軍之問

陳子昂

南星中大火將子涉清淇西林改微月征旆空自持碧
潭去已遠瑤草折遺誰若問遼陽戍悠悠天際旗

酬張少府

王維

晚年唯好靜萬事不關心自顧無長策空知返舊林松
風吹解帶山月照彈琴君一作問窮通理漁歌入浦深

十三維

儲光義

門生故來往知欲命浮鷗忽奉朝青閣回車入上陽落花滿春水疎柳映新塘是日歸來暮勞君奏雅章

酬孟雲卿

杜甫

樂極傷頭白更深愛燭紅相逢難一作袞袞告別莫忽

忽但恐天河落寧辭酒盞空明朝牽世務揮淚各西東

東征答朝臣

一作相送 陳子昂

平生白雲意疲繭愧為雄君王謬殊寵旌節此從戎按

繩當繫虜單馬豈邀功孤劔將何託長謠塞上風

將赴京答李紆贈別

獨孤及

珍漆常投分荆蠻各倦遊帝鄉今獨往溝水便分流

作遠行客深慙不繫舟思君帶將緩豈直日三秋

酬比部楊員外暮宿琴臺朝躋書閣率爾見贈之

一作盧照鄰 王維

舊簡拂塵看鳴琴候月彈桃源迷漢姓松樹有秦宮空

谷歸人少青山背日寒羨君棲隱處遙望一作白雲端

奉荅岑參補闕見贈

杜甫

窈窕青禁闥罷朝歸不同君隨丞相後我往一作日華

東冉冉柳枝碧娟娟花蘂紅故人得佳句獨贈白頭翁

奉酬張洪州九齡江上見贈

時以監察御史奉使 孫翊

孫翊



受命讞封疆逢君牧豫章於焉審虞芮復爾共舟航
別秋陰盡懷歸客思長江臯枉離贈持此慰他鄉

虢州酬辛侍御見贈

岑參

門柳葉已大春花今復闌鬢毛方二色愁緒日千端
夫子屢新命鄙夫仍舊官相思難見面時展尺書看

酬李少府見贈

孟浩然

養疾衡簷

一作茅

下由來浩氣真五行將禁火十步任

一作

想尋春致敬惟桑梓邀歡即主

一作故

人迴

一作還

看後彫

色青翠有松筠

酬杜五弟晴朝獨坐見贈

李嶠

平明坐虛館曠望幾悠哉宿霧分空盡朝光度隙來
影低藤架密香動藥欄開未展山陽會空留池上盃

張相公出鎮荊州尋除太子詹事余時流夜郎行

至江夏與張公去千里公因太府丞王昔使車寄

羅衣一事及五月五日贈余詩余答以此詩

李白

張衡殊不樂應有四愁詩慙君錦繡段贈我慰相思
鴻鵠復矯翼鳳凰憶故池榮樂一如此商山老紫芝

酬韋韶州見寄

杜甫

養拙江湖外朝廷記憶疎深慙長者轍重得故人書
白

律詩 卷二十一
髮絲難理新詩一作錦不如雖無南過鴈看取北來魚

酬王六寒朝見詒

張九齡

賈生流寓日楊子寂寥時在物多相背唯君獨見思
漁爲江上曲雪作郢中詞忽枉兼金訊長懷伐木詩

酬衛八雪中見寄

高適

季冬憶淇上落日歸山樊舊宅帶流水平田臨古村雪
中望來信醉裏開衡門果得希代寶緘之那可論

酬崔侍御登玉壘山思故園見寄

岑參

玉壘天晴望諸峰盡覺低故園江樹北斜日嶺雲西曠
野看人小長空共鳥齊高山徒仰止不得日攀躋

日 荅李滁州憶玉潭新居見寄

獨孤及

從來招隱地未有剖符人山水能成癖巢夷擬獨親
豬肝無足累馬首敢辭勤掃灑潭中月他時望德鄰

酬寇十侍御錫見寄復寄寇

杜甫

往別郇瑕地于今四十年來簪御府筆故泊洞庭船
詩憶傷心處春深把臂前南瞻按百越黃帽待君偏

敬酬李判官使院卽事見呈

岑參

公府日無事吾徒只是閒草根侵柱礎苔色上門關
飲硯時見鳥卷簾晴對山新詩吟未足昨夜夢東還

酬虞部蘇員外過藍田別業不見畱之作

王維

貧居依谷口喬木帶荒村石路枉迴駕山家誰候門漁
舟膠凍浦獵火燒寒原唯有白雲外踈鐘聞夜猿

酬嚴少尹徐舍人見過不遇

公門暇日少窮巷故人南偶值乘藍輦非關避白衣不
知炊黍否誰解埽荆扉君但傾茶椀無妨騎馬歸

得李滁州書以玉潭莊見託因書春思詩以荅

獨孤及

春物行將老懷君意詎堪朱顏因酒強白髮對花慙日
日思瓊樹書書話玉潭知同百口累曷日辦抽簪

荅王無功冬夜載酒鄉館

崔善爲

頒條忝貴郡懸榻久相望處士同楊鄭邦君謝李疆詎
知方擁篲逢子敬惟桑明朝蓬戶側會自謁任棠

和張大夫秋日有懷呈院中諸公 獨孤及

至公無暇日高閣閉秋天肘印拘王事籬花思長年績
成心不有慮澹物猶牽竊効泉魚躍因聞郢曲妍

和振上人秋夜懷士會


王昌齡

白露傷草木山風吹夜寒遙林夢親友高興發雲端一作
巖巒郭外秋聲急城邊月色殘瑤琴多遠思更爲客中彈

和吳侍御被使燕然

盧照隣

春歸龍塞北騎指鴈門垂胡笳折楊柳漢使採燕條一作
文戍城聊一望花雪幾參差關山有新曲應向笛中吹



如公無事

至公無事日高閣閒思天北甲申正

味鼎大夫好日百對呈刻中消公

賦古對蓬參子遊郵桑即醇藝可

賦新添貴源緜歸入味望表士同

蒼王無也冬文輝西嶽論

